

# 大日本史

七

第十六卷 本紀  
 聖武天皇  
 第十七卷 本紀  
 孝謙天皇

一	五	五	八	和書門
冊	架	函	號	類

內閣文庫	
番號	和 20258
冊數	150 ( 7 )
函號	138 105

三	八	五	八	文庫
函	一	五	八	冊
二	〇	〇	〇	架
架	冊	號	類	書

架冊0五-  
六五履知



大日本史卷之十六

淺草文庫

本紀第十六

權中納言從三位源光圀

男權中納言從三位綱條


玄孫權中納言從三位治保重校

聖武天皇

聖武天皇

錄○愚管鈔云、帝諱未詳、皇胤紹運、  
錄云、諱首、他書無所考、今不取、

文武帝子也、母夫人藤原氏、大寶元年生、元  
明帝和銅七年六月、立為皇太子、加元服、帝



將去位、以天皇尚幼、傳位於元正帝、養老八

年二月四日甲午、皇太子受禪、即天皇位於

大極殿、時年三十一、年據本書崩年五十六之文、及一代要記、歷代

皇紀、○愚管鈔元正帝宣詔、以獲瑞龜、改養

老八年為神龜元年、大赦天下、益一品舍人

親王封五百戶、知太政官事如故、授二品新

田部親王一品、以右大臣長屋王為左大臣、

神龜元年甲子、春三月庚申朔、行幸芳野宮、

五日甲子、還宮、二十二日辛巳、尊夫人藤原

氏曰皇太夫人、二十五日甲申、陸奧言、海道

蝦夷反、殺大掾佐伯兒屋麻呂、夏四月庚寅

朔、令七道諸國造軍器幕釜等、三日壬辰、以

佐伯兒屋麻呂死事、贈從五位下、賜賻、七日

丙申、以式部卿藤原宇合為持節大將軍、宮

內大輔高橋安麻呂為副將軍、征討蝦夷、十

四日癸卯、令坂東九國兵三萬、教習騎射、試

練軍陳、運帛絕綿布於陸奥鎮所、十八日丁

未、月犯熒惑、五月二十四日壬午、以從五位

上小野牛養為鎮狄將軍、鎮撫出羽蝦狄、秋七月戊午朔、日有食之、丁未、○今推干支、是月無丁未、丁未也、蓋木書月闕、以從五位上土師豐麻呂為遣新羅大使、冬十月五日辛卯、行幸紀伊、七日癸巳、行至玉垣勾頓宮、八日甲午、至玉津島頓宮、十二日戊戌、造離宮於岡東、十六日壬寅、詔改弱濱為明光浦、置守戶、春秋二時祭玉津島神、二十一日丁未、還至和泉所石頓宮、二十三日己酉、車駕還宮、十一月八日

甲子、太政官奏、上古淳朴、冬穴夏巢、後世聖人、代以宮室、又有京師、帝王為居、萬國所朝、自非壯麗、何以表德、板屋草舍、中古遺制、難營易破、空殫民財、請命有司、令五位以上及庶人力堪營辦者、以瓦葺屋、塗為丹堊、奏可、二十三日己卯、大嘗、乙酉晦、征夷持節大使藤原宇合、鎮狄將軍小野牛養等還京師、二年乙丑、春正月丙辰朔、山背備前獻白燕、二十四日己卯、有星孛于華蓋、閏月三日戊

日本書紀

卷廿六

本紀

三

子月犯填星○本書在壬寅之十七日壬寅

集六百僧於宮中讀大般若經以禳天變二

十二日丁未詔敘征夷將軍藤原宇合以下

一千六百九十六人勲位各有差三月行幸

甕原離宮三月以下夏五月二十二日甲辰

土師豐麻呂還自新羅是月行幸芳野離宮

是月以下六月二十二日癸酉太白晝見秋

七月十七日戊戌詔七道諸國曰除災祈祥

必憑幽冥敬神尊佛清淨為先今聞諸國神

祇社內多有穢臭及放雜畜敬神之禮豈可

如是其國司長官自執幣帛慎致灑掃常為

歲事又諸寺院勤加掃淨令僧尼讀金光明

經或最勝王經以禱國家平安九月二十二

日壬寅詔曰朕聞古先哲王君臨寰宇順兩

儀以亭毒協四序而財成陰陽和而風雨節

災害除以休徵臻故能騰茂飛英鬱為稱首

朕以寡薄嗣膺景圖戰戰兢兢夕惕若厲懼

一物之失所睠懷生之便安教令不明至誠


無感、天示變異、地頻動震、仰惟災青、責深在予、昔殷宗脩德、消雉雉之妖、宋景行仁、弭熒惑之異、遙鑑前軌、寧忘敬畏、宜令所司、度三千人、出家入道、左右京及大倭諸寺、轉經七日、憑此冥福、冀除災異、冬十月十日庚申、行幸難波宮、己卯晦、太白歲星晝見、十一月十日己丑、日南至、御大安殿受賀、宴親王及文武百寮、十二月庚戌朔、日有食之、二十一日庚午、詔曰、死者不可復生、刑者不可復屬、此

先典之所重、豈無恤刑之制、今京師及天下諸國、見禁囚徒、死罪宜從流、流罪宜從徒、徒以下並依刑部奏、

三年丙寅、春正月二日辛巳、京職獻白鼠、大倭獻白龜、夏六月五日辛亥、新羅遣使貢調、十四日庚申、詔曰、百姓或染沉疴、經年未愈、或得重病、晝夜辛苦、朕為父母、何不憐愍、宜給醫藥於京畿諸國、依病輕重、賜穀賑恤、所司存懷、勉稱朕心、十五日辛酉、太上天皇不

豫命天下放生、二十一日丁卯、為太上天皇  
度僧尼三十人、秋七月十八日癸巳、以太上  
天皇不豫、詔大赦天下、給湯藥於疹疾者、十  
九日甲午、度僧尼二十二人、二十日乙未、遣  
使奉幣帛於石成葛木住吉賀茂等神社、八  
月八日癸丑、○本書作庚寅、今推甲子、是月  
丙午朔、無庚寅、據日本紀略訂  
之、造佛像寫經、設齋藥師寺、以禱太上天皇  
病、九月十二日丁亥、天皇臨軒、詔曰、今秋大  
稔、民產豐實、思與天下共此歡慶、宜免今年

田租、十五日庚寅、肉裏生玉來、敕朝野文人  
上詩賦、二十七日壬寅、賜文人一百十二人  
絕綿布、各有差、冬十月七日辛亥、行幸播磨  
印南野、十日甲寅、至印南野邑美頓宮、○本  
書辛  
亥作辛酉、脫甲寅條、今據日本紀略、訂補之、  
○萬葉集載笠金村歌曰、九月十五日幸印  
南野、月十九日癸亥、還至難波宮、癸酉晦、車  
日並誤、  
駕至自難波、十二月十二日乙卯、太白犯填  
星、是歲尾張飢、遠江水、賑貸三年、  
四年丁卯、春正月甲戌朔、以雨廢朝、三日丙



子御太極殿受朝、左京職獻白雀、河內獻嘉禾、九日壬午、宴五位已上於南苑、賚帛有差、二十二日乙未、月犯心大星、二月十三日丙辰、雷雨大風、○按萬葉集、是年正月諸王臣遊春日野、其日雷、宮中無侍衛、救謹責之、散禁於授刀寮、本書不書正月雷、附以備考、十八日辛酉、集僧尼九百于中宮、讀金剛般若經、以禳災異、二十一日甲子、御內安殿、召文武百寮、詔曰、比者咎徵荐臻、災異不止、如聞時政違乖、民情愁怨、天地告譴、鬼神見異、朕德不明、政有

懈缺邪、將百寮官人、不勤奉公邪、身隔九重、多未詳委、宜令諸司長官、精擇主典以上、勞心公務、清勤著聞者、心挾姦偽、不供其職者、具名奏問、其善者量與昇進、其惡者隨狀貶黜、宜莫隱諱、副朕意焉、是日遣使七道、巡察國司政績、二十三日丙寅、詔曰、時臨東作、人赴田疇、膏澤調暢、春事既起、思九農之方茂、冀五稼之有饒、順是令節、仁及黎元、宜賜京邑六位已下至庶人戶鹽穀、三月三日乙亥、



諸司長官具官人勤惰善惡奏之十三日乙酉御正殿詔賜官人稱職者者物上等絕中等不在賜例下等黜之二十二日甲午御南苑敕衛府人等日夜宿衛闕庭不得輒離其府因賜五衛府授刀寮醫師已下至衛士布有差二十五日丁酉熒惑入東井西亭門夏五月壬申朔日有食之四日乙亥行幸甕原離宮六日丁丑還宮二十日辛卯颶風折南苑樹樹化為雉秋九月三日壬申遣井上内

親王侍太神宮閏月二十九日丁卯皇子生冬十月五日癸酉以皇子生赦天下賜百官物十一月二日己亥太政官及八省各上表賀皇子誕育并獻玩好物是日賜宴文武百寮詔曰朕賴神祇之祐蒙宗廟之靈久有神器新誕皇子宜立為皇太子布告百官咸令知聞八日乙巳南島人來朝十二月二十日丁亥七道巡察使復命隨狀黜陟國司等有差是歲安房大風損稼上總山崩人死賑恤

五年戊辰春正月戊戌朔以雨廢朝三日庚子御大極殿受朝十七日甲寅渤海郡王大武藝遣使獻方物渤海始通二月十六日壬午以從六位下引田蟲麻呂為送渤海客使夏四月丁卯朔日有食之二十五日辛卯敕曰如聞諸國郡司等部下有騎射相撲及膂力者輒給王公卿相之家有詔搜索無人可進自今而後不得更然若有違者嚴加黜罰

國郡宜先事簡點待勅到即時貢進○公事根源曰

神龜三年始召諸國相五月十六日辛亥左

右京水損七百餘戶賜布穀鹽二十日乙卯

太白晝見秋八月甲子朔○本書作甲午無朔字按是月甲子

朔無甲午今推詔禁天下養鷹始置內匠寮

中衛府四日丁卯太白經天○本書在丙戌下今推于支敘

之二十一日甲申以皇太子疾造佛像寫經

大赦天下二十三日丙戌遣使奉幣帛於諸

陵九月十三日丙午皇太子薨壬戌晦流星

大御所 卷十六 相類

隆宮中冬十一月癸巳朔雷十三日乙巳日南至御南苑宴五位以上賜絕有差十二月二十八日巳丑頒金光明經六十四帙於諸國國別轉讀以祈國家平安是歲始試進士

是歲以下年中行事○按本書不載試進士而三月三日書天皇御鳥池塘宴五位以上召文人賦曲水詩年中行事蓋據此文乎未詳

天平元年己巳春正月十六日丁未敕孟春之月萬物和悅宜給京畿官人以下酒食價直醕一日二十一日壬子詔五位以上高年

不堪朝者遣使就家慰問賜物五月廿二日癸酉左大臣長屋王賜死二十七日壬午曲赦坐長屋王事左右京大辟已下罪夏四月三日癸亥敕文武百官天下百姓有學異端修妖術厭魅咒咀以為民害者首斬從流如有停住山林佯說佛法封印書符合藥造毒萬方作怪違犯勅禁者亦同其罪六月庚申朔講仁王經於朝堂及畿内七道

○公事根源曰是年四月八日始季御讀經然本年二十日己卯所不載說見元明紀和銅元年

左京職獻龜背有文曰天王貴平知百年二  
 十一日庚辰薩摩隼人貢調二十六日己酉  
 熒惑入太微秋七月二十日己酉大隅隼人  
 貢調二十四日癸丑月入東井八月五日癸  
 亥宣詔以獲瑞龜改元天平○公卿補任大  
 作天平聖曆大  
 赦天下免左右京今年田租獲瑞者賀茂子  
 蟲授位賜物唐僧道榮以教子蟲獻瑞擬從  
 五位下階賜緋色袈裟并物十日戊辰立夫  
 人藤原光明子為皇后冬十月戊午朔日有

食之十一月七日癸巳置京畿班田司  
 二年庚午春正月丙戌朔以雨廢朝二日丁  
 亥御大極殿受朝三月十六日庚子熒惑晝  
 見二十七日辛亥太政官奏大學生徒既經  
 歲月習業庸淺猶難博達實是家道困窮無  
 物資給雖有好學不能遂志望請選性識聰  
 慧藝業優長者十人以下五人以上專精學  
 問以加善誘仍給夏冬服并食料又陰陽醫  
 術及七曜頒曆等類國家要道不得廢闕但

新羅紀 卷十一 十一

見諸博士年齒衰老、若不教授、恐致絕業、請  
 令吉田宜、大津首等、各教弟子、以習其業、給  
 衣食、準大學生、又諸蕃異域、風俗不同、若無  
 譯語、難以通事、令粟田馬養、播磨乙安等、各  
 教弟子、習漢語、並許之、夏四月十六日庚午、  
 詔改天下婦女衣服、施用新樣、十七日辛未、  
 始置皇后宮職、施藥院、六月二十七日庚辰、  
 以旱檢校四畿內水陸田、神祇官曹司災、二  
 十九日壬午、震神祇官屋、災、閏月十七日庚


子、敕新田部親王、率神祇官卜雷震、遣使奉  
 幣畿內七道諸社、二十七日庚戌、敕比者亢  
 陽稍盛、恐損年穀、宜遣使者四畿內、令檢百  
 姓產業、秋八月七日己丑、太白入太微、辛亥  
 晦、引田蟲麻呂還自渤海、九月壬子朔、日有  
 食之、二日癸丑、天皇御中宮、引田蟲麻呂等  
 獻渤海方物、二十五日丙子、遣使六陵、奉渤  
 海方物、二十八日己卯、停諸國防人、二十九  
 日庚辰、詔曰、京及諸國、多有盜賊、或劫掠人

家或侵奪海舶、蠹害百姓、莫甚於此、宜令所  
在官司嚴加捉搦、又安藝周芳國人等、妄說  
禍福、多聚徒衆、妖祠死魂、有所祈請、又京左  
山原有聚徒者、妖言惑衆、多則萬人、少不下  
數千、深違憲法、爲害尤甚、自今以後、勿使更  
然、又造陸捕禽獸、先朝所禁、擅發兵馬、當今  
不聽、而諸國造陸發兵殺害猪鹿、非直害生、  
實違章程、宜頒諸道、並須禁斷、冬十月庚戌  
晦、遣使頒渤海方物於諸國名神社、十一月

七日丁巳、雷雨大風、  
三年辛未、春正月庚戌朔、美作獻木連理、二  
十六日乙亥、以神祇官奏庭火御竈、四時祭  
祀、立爲永制、二月庚辰朔、日有食之、三月七  
日乙卯、廢諏方國、併信濃國、夏六月、紀伊阿  
比郡海水如血、秋八月五日辛巳、勅諸司主  
典以上、舉所知堪濟務者、七日癸未、主典以  
上三百九十六人、詣闕上表、具名以聞、十一  
日丁亥、詔依諸司舉擢式部卿藤原宇合、民

部卿多治比縣守等六人為參議二十五日  
辛丑詔曰天地所賦豐年為最今歲登熟朕  
甚嘉焉思與天下共受斯慶宜免京畿諸國  
今年田租之半但淡路阿波讚岐隱岐等國  
租及天平元年以往逋負咸免除之冬十一  
月庚戌日南至○今推曆法十五日庚申冬  
至庚戌五日也戌當作申然  
難輒改姑御南樹苑宴五位已上賜錢有差  
從本書  
二十二日丁卯始置畿內總管諸道鎮撫使  
以一品新田部親王為大總管從三位藤原

宇合副總管從三位多治比縣守為山陽道  
鎮撫使從三位藤原麻呂山陰道鎮撫使正  
四位下大伴道足南海道鎮撫使十二月二  
日丙子甲斐獻神馬二十一日乙未詔曰朕  
君臨四海字養萬姓日昃忘膳夜寐失席粵  
得治部卿門部王等奏偁甲斐國所進神馬  
黑身鬣尾謹檢符瑞圖曰神馬者河之精也  
援神契曰德至山陵則出神馬實合大瑞者  
斯則宗廟所錫社稷所賦朕以不德何堪獨



受天下共悅、理允恒典、宜大赦天下、賑給孝子順孫、高年鰥寡、惻獨不能自存者、進獲馬者位、免甲斐、今年庸及出馬郡庸調、

四年壬申、春正月乙巳朔、天皇始冕服受朝、左京職獻白雀、二十日甲子、以從五位下角

家主為遣新羅使、二月甲戌朔、日有食之、夏五月十九日庚申、新羅遣使朝貢、二十三日

甲子、遣使五畿內祈雨、秋七月五日丙午、令兩京四畿內及二監、依釋氏法請雨、以旱詔

赦天下、使京及諸國奉幣帛於天神地祇、名山大川、又審錄冤獄、掩骼埋胔、禁酒斷屠、賑

恤高年及鰥寡、惻獨不能自存者、十五日丙辰、地震、八月四日甲戌、大風雨、十一日辛巳、

角家主還自新羅、十七日丁亥、以從四位上多治比廣成、為遣唐大使、從五位下中臣名

代為副、正三位藤原房前、為東海東山二道節度使、從三位多治比縣守山陰道節度使、

藤原宇合西海道節度使、二十七日丁酉、大



風雨壞民廬舍及佛寺堂塔九月辛丑朔賑  
 給和泉監百姓冬十月三日癸酉始置造客  
 館司十一月二十七日丙寅日南至御南苑  
 宴羣臣賜親王已下絕高年綿曲赦京畿二  
 監徒罪以下十二月十七日丙戌鑿河內狹  
 山下池二十三日辛卯地震是歲旱稼穡不  
 登

五年癸酉春正月庚子朔越前獻白鳥七日  
 丙午雷風九日戊申熒惑入軒轅閏三月二

日屯屯去去年炎旱五穀不登赦和泉監紀  
 伊淡路南波等國貸今年大稅二十日戊  
 子召諸王窮乏者三百人於殿前各賜  
 米鹽詔責其懶惰令治生業是春賑恤大倭  
 河內遠江淡路讚岐飢饉夏五月二十六日  
 辛卯以皇后疾赦大赦天下六月九日甲辰  
 太白入東井秋七月己丑朔日有食之六日  
 庚午始令太膳備盂蘭盆供著為恒典

紀齊明帝三年七月設盂蘭盆會於飛鳥寺  
 其後無所見公事根源濫觴抄以是年為原

大田村史 卷十六 本紀 十五

始、今八月十七日辛亥、天皇臨朝、始聽庶政、  
據之、九月二十三日丁亥、遠江女子一產三男、賜  
穀及乳母、是歲、左右京及諸國飢疫、賑貸之、  
六年甲戌、春正月癸亥朔、但馬安藝長門獻  
木連理、十七日己卯、大納言藤原武智麻呂  
為右大臣、二月癸巳朔、御朱雀門、觀歌垣、  
令京師士女縱觀、賜奉歌垣男女祿有差、三  
月十日辛未、行幸難波宮、十七日戊寅、行至  
竹原井頭宮、十九日庚辰、車駕還宮、夏四月

七日戊戌、地大震、山崩川壅、民多壓死、十二  
日癸卯、遣使畿內七道、檢察神社破壞、十七  
日戊申、詔曰、地震異常、恐驚動山陵、宜遣諸  
王真人、率土師宿禰一人、檢察八陵、及有功  
諸王之墓、又詔、地震之災、恐由政事有關、凡  
厥諸寮、勉理職事、自今以後、若不改勵、隨其  
狀迹、必加貶黜、二十一日壬子、遣使京畿、問  
民疾苦、秋七月七日丙寅、觀相撲戲、是夕、御  
南苑、命文人賦七夕詩、賜物有差、  
○七夕宴至此始見

後世乞巧奠，即是也。故此後不書公事根源，以為天平勝寶七年始修乞巧奠。然本書所不載，故十二月辛未，詔曰：朕撫育黎元，稍歷

歲月，風化尚墜，囹圄未空，通且忘寐，憂勞在茲。頃者天頻見異，地數震動，良由朕訓道不明，民多入罪，責在予一人。匪關兆庶，宜存寬宥，而躋壽域，蕩瑕穢而許自新。可大赦天下。九月二十四日壬午，地大震。冬十月四日辛卯，曲赦京師死罪。十二月戊子朔，日有食之。七年乙亥，春二月十七日癸卯，新羅遣使來

朝。二十七日癸丑，遣中納言多治比縣守接新羅使，以新羅私改國號，責却其使。三月十日丙寅，遣唐大使多治比廣成還自唐。夏五月四日己未，衆星交錯，亂行無常。二十日乙亥，制畿內七道外散位及勳位定額。每國有差。二十三日戊寅，敕朕以寡德，臨馭萬姓，素闇治機，未能寧濟。迺者災異頻興，咎徵仍見，戰戰兢兢，責在朕矣。宜緩刑愆窮，以在寬恤。可大赦天下。二十四日己卯，轉讀大般若經。

於宮中及大安藥師元興興福四寺祈消災  
安國六月五日己丑除併寺令秋七月二十  
六日己卯大隅薩摩隼人朝貢八月二日乙  
酉太白辰星相犯十二日乙未以太宰府疫  
死者多敕奉幣部內神祇令府大寺及諸寺  
讀金剛般若經仍遣使賑給疫民并加湯藥  
又令長門以內諸國禳祭二十三日丙午太  
宰府言管內諸國疫瘡大行請停今年貢調  
許之九月壬午晦一品新田部親王薨冬十

十月十四日乙丑知太政官事一品舍人親  
王薨閏月壬午朔日有食之十七日戊戌以  
災異屢見疫癘不已詔太赦天下十九日庚  
子更置鑄錢司二十一日壬寅天皇臨朝敕  
諸國朝集使曰朕選卿等任爲國司奉遵條  
章僅一二人而或虛飾干譽或背公營私以  
故國內弊損百姓困乏自今以後勤恪奉法  
者褒賞之懈怠無狀者貶黜之宜知斯意各  
自努力是歲穀頗不稔自夏至冬天下患疏

豆瘡、夭死者多、  
八年丙子、春二月二十八日戊寅、以從五位  
下阿倍繼麻呂爲遣新羅大使、三月辛巳朔、  
行幸甕原離宮、五日乙酉、還宮、夏五月庚辰  
朔、日有食之、六月二十七日乙亥、幸芳野離  
宮、秋七月十三日庚寅、還宮、十四日辛卯、以  
太上天皇病、詔度僧一百人、都下四大寺行  
道七日、給天下百姓僧尼有病者藥糧、及高  
年穀、賑恤鰥寡、惻獨、是月、遣唐副使中臣名

代還自唐、冬十月二十二日戊辰、詔曰、如聞  
比年太宰所管諸國、公事稍繁、勞役不少、加  
以去冬疫瘡、男女困憊、農事有廢、五穀不饒、  
宜免今年田租、二十七日癸酉、太白入月、十  
一月十九日甲午、以秋稼不熟、詔免京畿及  
二監田租、  
九年丁丑、春正月二十二日丙申、詔遣持節  
大使藤原麻呂、副使佐伯豐人等於陸奧、關  
男勝村、通路于出羽、柵、二月十五日己未、遣

新羅使還、奏新羅失常禮、不受使命、於是召羣臣陳意見、三月三日丁丑、詔每國造佛像三軀、寫大般若經一部、夏四月乙巳朔、遣使奉幣伊勢神宮、大神社、筑紫住吉八幡二社、香椎宮、告新羅無禮之狀、十九日癸亥、以太宰管内諸國疫瘡流行、百姓多死、詔奉幣部內諸社、賑恤貧民、給湯藥、五月甲戌朔、日有食之、召僧六百于宮中、讀大般若經、十九日壬辰、詔曰、四月以來、旱疫竝行、田苗焦萎、由

是禱祈山川、奠祭神祇、未得効驗、朕以不德實致茲災、思布寬仁、以救民患、宜令國郡審錄寬獄、掩骼埋胔、禁酒斷屠、賑恤高年篤癯、普賜文武職事以上物、其大赦天下、六月甲辰朔、以百官患疫廢朝、秋七月二十三日乙未、以右大臣藤原武智麻呂疾、大赦天下、二十五日丁酉、以武智麻呂為左大臣、是日薨、八月二日癸卯、命天下僧尼、每月讀最勝王經、齋日禁殺生、十三日甲寅、詔曰、自春以來、

災氣劇發朝野貴賤死亡實多良由朕之不德致此災殃仰天慚惶不敢寧處宜優復百姓使得存濟其免天下今年租賦公私逋負諸國神祇能興風致雨未預幣帛者咸入供幣之例十五日丙辰召僧七百於宮中轉讀大般若經最勝王經祈國家安寧九月二十八日己亥以從三位鈴鹿王知太政官事賜京畿二監僧二千三百七十六人綿鹽有差是秋大倭伊賀駿河伊豆若狹長門饑疫賑

給之冬十月二日壬寅停收左右京徭錢七日丁未停額外散位輸續勞錢十九日己未地震二十六日丙寅講金光明最勝王經於大極殿十一月三日癸酉遣使天下修造諸神社二十二日壬辰宴羣臣于中宮賜物有差十二月二十七日丙寅改大倭國爲大養德國是歲自春至秋疫瘡大發始自筑紫遂遍天下人多死亡十年戊寅春正月庚午朔信濃獻神馬十三

日壬午、立阿倍內親王爲皇太子、大赦天下、  
以大納言橘諸兄爲右大臣、十七日丙戌、行  
幸松林、宴文武百寮、賚祿有差、是月、太宰府  
奏新羅使來、三月二十八日丙申、施山階寺  
封一千戶、鴈寺二百戶、隅院一百戶、夏四月  
十七日乙卯、詔令畿內七道轉讀最勝王經  
三日、以祈國家隆平、五月三日庚午、停諸國  
健兒、二十四日辛卯、遣右大臣橘諸兄、神祇  
伯中臣名代等於伊勢、奉神寶於大神宮、六

月二十四日辛酉、遣使太宰府、放還新羅使、  
秋七月七日癸酉、御大藏省、觀相撲、又御西  
池宮、命文人賦詩、賜物有差、八月二十六日  
辛卯、令天下諸國上國郡圖、九月丙申朔、日  
有食之、六日辛丑、地震、冬十月三日丁卯、免  
京畿二監今年田租、二十五日己丑、遣巡察  
使于七道、採訪政績民風、十一年己卯、春正月甲午朔、出雲獻赤鳥、越  
中獻白鳥、二月二十六日戊子、以皇后疾、大



救天下常赦所不赦者咸赦除之三月二日  
甲午行幸甕原離宮五日丁酉還宮二十一日  
癸丑以對馬島獻神馬詔賑給孝子順孫  
高年鰥寡惻獨不能自存者二十三日乙卯  
天皇從太上天皇行幸甕原離宮二十六日  
戊午還宮夏五月二十三日甲寅詔曰諸國  
郡司徒多員數無益任用侵漁百姓爲蠹實  
深減省舊員改定其數辛酉晦詔免諸國今  
年出舉正稅之利秋七月十四日甲辰詔使

天下諸寺轉讀五穀成熟經悔過七日夜祈  
風雨調和年穀成熟九月庚寅朔日有食之  
冬十二月十日戊辰渤海遣使獻方物  
十二年庚辰春正月戊子朔飛驒獻白狐白  
雉十三日庚子以外從五位下大伴犬養爲  
遣渤海大使二月七日甲子行幸難波宮十  
九日丙子車駕還宮三月十五日辛丑以外  
從五位下紀必登爲遣新羅大使夏五月十  
日乙未車駕幸右大臣橘諸兄相樂別業十

二日丁酉、還宮、六月十五日庚午、敕曰、朕君  
臨八荒、奄有萬姓、履薄馭朽、情深覆育、求衣  
忘寢、思切納隍、恒念何答上玄、人民有休平  
之樂、能稱明命、國家致寧泰之榮、普施寬仁、  
挂網之徒、保身命而得壽、廣布鴻恩、窮乏之  
類、脫寒微而有息、宜大赦天下、免流人穗積  
老、多治比祖人等入京、十九日甲戌、令天下  
每國寫法華經十部、造七重塔、秋八月二十  
日甲戌、省和泉監、并河內國、九月三日丁亥、

太宰少貳藤原廣嗣反、以從四位上大野東  
人爲大將軍、從五位上紀飯麻呂爲副討之、  
十一日乙未、遣治部卿三原王於伊勢、奉幣  
帛於太神宮、十五日己亥、勅畿內七道曰、比  
來緣筑紫有不軌之臣、命軍討伐、願憑聖祐、  
欲安百姓、其每國造觀世音像、寫觀世音經、  
冬十月五日戊午、大伴犬養還自渤海、九日  
壬戌、詔大野東人、祈平賊於八幡神、十五日  
戊辰、紀必登還自新羅、二十九日壬午、行幸

伊勢十一月二日乙酉至伊勢關宮淹留十日三日丙戌遣少納言大井王奉幣帛於大神宮四日丁亥獵于和遲野五日戊子藤原廣嗣伏誅十二日乙未車駕發關宮十四日丁酉進至鈴鹿郡赤坂頓宮十六日己酉至美濃當伎郡十二月二日甲寅幸宮處寺及曳常泉四日丙辰車駕巡觀國城六日戊午至近江坂田郡橫川頓宮以將遷都使右大臣橋諸兄經略山背相樂郡恭仁鄉十三

日乙丑幸志賀山寺禮佛十四日丙寅車駕至相樂郡玉井頓宮十五日丁卯幸恭仁宮始作京都太上天皇皇后繼至十三年辛巳春正月癸未朔始御恭仁宮受朝宮垣未成繞以帷帳十一日癸巳遣使奉幣大神宮及七道諸社以告遷新京二十二日甲辰藤原廣嗣與黨處罪有差二月七日戊午詔曰馬牛代人服役養民因茲先有明制不許屠殺今聞百姓猶有屠殺如有犯者

不問蔭贖先決杖一百然後科罪又聞國郡  
司等非緣公事聚人田獵妨民產業損害實  
多自今以後宜切禁斷更有犯者必擬重科  
三月壬午朔日有食之二十日辛丑攝津職  
言比日有鶴一百餘集宮殿每日辰來未去  
因遣使鎮謝焉二十四日乙巳詔天下每國  
置金光明四天王護國之寺法華滅罪之寺  
閏月二十四日甲戌奉秘錦冠佛經等於八  
幡神宮以賽宿禱夏五月六日乙卯行幸河


南觀狩獵秋七月十日戊午太上天皇徙御  
新宮天皇奉迎河上十三日辛酉宴羣臣于  
新宮奏女樂高麗樂五位已上賜祿有差八  
月二十八日丙午移平城二市于恭仁京九  
月四日辛亥以遷都免左右京百姓調租四  
畿內田租八日乙卯勅大赦天下免大養德  
伊賀伊勢美濃近江山背等供奉行宮諸郡  
今年調十二日己未遣木工頭智努王民部  
卿藤原仲麻呂等頒給京都百姓宅地賀世

山西路以東為左京、以西為右京、丁丑晦、行幸宇治及山科、冬十月二日己卯、還宮、十六日癸巳、賀世、山東河橋成、十一月二十一日、戊辰、勅名新京曰大養德、恭仁大宮、十二月十日丙戌、并安房于上總、能登于越中、是歲、佐渡霖雨、傷稼、免田租庸調、十四年壬午、春正月丁未朔、以大極殿未成、權造四阿殿、受朝賀、五日辛亥、廢太宰府、付官物於筑前國司、二十三日己巳、陸奧言、雨

赤聖、二月三日戊寅、太宰府言、新羅使來朝、


○按上文既廢太宰府、而此云太宰府、五日者、豈筑前國司所攝歟、姑仍本書舊文、

庚辰、以宮室未成、遣右太辨紀飯麻呂於太宰、饗新羅使而還之、三月二十四日己巳、地震、夏五月三日丙午、遣使畿內、檢校被水百姓產業、十日癸丑、越智山陵壞、十三日丙辰、遣知太政官事鈴鹿王等修營之、十七日庚申、遣使奉物山陵、六月五日戊寅、夜、京師雨、飯、秋七月癸卯朔、日有食之、八月二日甲戌、



令京畿七道諸國司等錄上孝子順孫義夫  
節婦力田人名十一日癸未、敕造宮卿智努  
王等、造離宮於近江紫香樂、十二日甲申、行  
幸石原宮、十三日乙酉、造大橋於恭仁宮城  
西南、二十七日己亥、行幸紫香樂宮、九月壬  
寅朔、幸刺松原、四日乙巳、車駕還恭仁宮、十  
二日癸丑、大風雨、十七日戊午、遣巡察使於  
七道、冬十月十七日戊子、流正四位上鹽燒  
王於伊豆三島、○正四位上、本書作從四位  
下、然檢本書、先是既書正四位

訂位上、故十一月五日丙午、免左右京畿內今  
年田租、十日壬子、太陽言、空中有聲如鼓、  
地大震動、二十五日丙寅、遣使檢之、十二月  
十六日丁亥、地震、庚子晦、行幸紫香樂宮、是  
歲、以參議藤原豐成兼中衛大將、是歲以下、  
據本書天  
平神護元年十一月之文、公卿補任、歷代皇  
紀並為十二年正月事、今姑從本書、○按本  
書神龜五年始置中衛府大將一人、而不書  
以其為大將、據萬葉集公卿補任、先是藤原  
房前為中衛大將、然其年月  
未詳、故不書、說見房前傳、  
十五年癸未、春正月二日壬寅、車駕至自紫



香樂三日癸卯御大極殿受朝賀十二日壬子御石原宮樓饗百官及有位人十三日癸丑集僧金光明寺讀金光明最勝王經十四日甲寅太宰府始供腹赤魚十四日以下公事根源年中行事引官曹事類筑後風土記○按公事根源曰景行帝時筑紫宇土郡人獲魚獻帝至是正月始供腹赤後世元日二月十一日辛巳節會奏腹赤贄以為恒例并佐渡于越後二十五日乙未月掩熒惑二十七日日丁酉月掩太白夏四月三日壬申行幸紫香樂十六日乙酉還宮是月新羅使至

筑前責其失禮却之五月三日辛丑自三月不雨至是月奉幣帛於畿内諸社祈之五日癸卯以右大臣橘諸兄為左大臣二十八日丙寅備前言邑久郡海漂大魚五十二隻聲如鹿鳴六月二十四日辛卯自酉至戌宇治河涸行人揭涉秋七月戊戌朔日有食之五日壬寅出雲言楯縫出雲二郡大雷雨山崩壞廬舍埋田畝庚寅○今按此月無庚寅疑甲寅之誤甲寅十七日也地震二十六日癸亥行幸紫香樂宮是月

上總大風雨八月丁卯朔幸鴨川改名宮川  
 冬十月十六日辛巳詔造金銅盧舍那佛大  
 像十一月二日丁酉車駕還恭仁宮十二月  
 二十六日辛卯始置筑紫鎮西府以從四位  
 下石川加美為將軍外從五位下大伴百世  
 為副先是毀平城大極殿遷於恭仁宮四年  
 功竣所費巨多至是更造紫香樂宮停營恭  
 仁宮  
 十六年甲申春正月丙申朔廢朝閏月乙丑

朔詔召百官於朝堂議恭仁難波二京便利  
 四日戊辰遣從三位巨勢奈氏麻呂等就市  
 採訪民言十一日乙亥行幸難波宮十三日  
 丁丑安積親王薨二月十日甲辰幸和泉宮  
 十三日丁未車駕還難波宮二十一日乙卯  
 恭仁京百姓欲遷難波者聽之二十二日丙  
 辰行幸安曇江二十四日戊午行幸紫香樂  
 宮二十六日庚申敕定難波宮為皇都三月  
 十四日丁丑召二百僧轉讀大般若經於紫



香樂宮十五日戊寅召三百僧讀大般若經  
於難波宮夏四月十三日丙午紫香樂宮西  
北山焚城下男女數千撲滅之因賜布人一  
端二十一日甲寅廢造兵鍛冶二司五月肥  
後雷雨地震山崩水溢人多壓溺賑恤之六  
月二十一日壬子雨水秋七月二日癸亥太  
上天皇幸智努離宮七日戊辰太上天皇幸  
仁岐河八日己巳車駕還難波宮九月十五  
日甲戌遣巡察使於畿内七道二十七日丙

戌頒三十二條於巡察使因敕曰頃聞國郡  
官人不奉法令擅求利潤公民歲弊私門日  
增朕之股肱豈令如此自今以後宜依頒條  
每四考終必加訪察奏聞即隨善惡黜陟其  
人遂令漚滑殊流賢愚得所若有巡察使諂  
曲爲心升降失理當據法律以明勸沮無偏  
無黨清風肅俗拔自常班處以榮秩宜告所  
司知朕意焉冬十月十一日庚子太上天皇  
幸珍努及竹原井離宮十三日壬寅太上天

皇還難波宮十一月十三日壬申造盧舍那  
 佛像於甲賀寺是日始建骨柱天皇親臨手  
 引其繩十四日癸酉太上天皇幸甲賀宮并  
 七日丙子太上天皇自難波至○按此時既  
 遷難波不應  
 有書自難波至疑  
 脫誤未詳十二月二日庚寅有星孛於  
 將軍四日壬辰使天下諸國修藥師悔過七  
 日八日丙申度令百人然令萬燈於金鐘寺  
 及朱雀路示令對來問問之及為教以問日  
 十三年乙酉春正月己未朔廢朝新京宮垣

未成繞以帷帳宴五位以上賜祿有差夏四  
 月戊子朔市西山焚三日庚寅寺東山焚八  
 日乙未伊勢真木山焚仰山背伊賀近江等  
 國撲滅之十一日戊戌宮城東山焚三日不  
 滅十五日壬寅召還流人鹽燒王二十七日  
 甲寅依巡察使奏詔免諸國去年田租大赦  
 天下是日地震三日不止美濃殊甚五月二  
 日己未讀最勝王經於京師諸寺七日是日  
 太政官召諸司議定都六日癸亥車駕還恭

仁宮、百姓拜謁道左、稱萬歲、八日乙丑、敕大  
安藥師元興、興福四寺、讀大集經、奉幣諸社  
祈雨、九日丙寅、發近江國民一千人、令滅甲  
賀宮邊山火、十日丁卯、讀大般若經於平城  
宮、自戊午朔至是日、每日地震、十一日戊辰、  
奉幣帛於諸陵、車駕行幸平城、居中宮院、諸  
司百官各歸本曹、十六日癸酉、地震、十八日  
乙亥、又震、天皇親臨松林倉廩、賜從官穀有  
差、是月地震異常、往往地裂水湧、六月四日

庚寅、遣使奉幣帛於大神宮、五日辛卯、復置  
太宰府、秋七月五日庚申、祈雨、十七日壬申、  
地震、十八日癸酉、又震、八月十五日庚子、設  
無遮大會於大安殿、二十四日己酉、地震、二  
十八日癸丑、行幸難波宮、甲寅晦、地震、九月  
二日丙辰、又震、四日戊午、知太政官事兼式  
部卿鈴鹿王薨、十五日己巳、禁天下屠殺三  
年、十七日辛未、敕朕頃日枕席不安、稍延旬  
日、以為治道有失、民多罹罪、宜大赦天下、常

赦所不赦咸赦之、賑恤高年八十以上、及鰥寡、惻獨篤癯不能自存者、十九日癸酉、天皇不豫、敕平城恭仁留守、固守宮中、悉追孫王赴難波宮、遣使收平城宮鈴印、又令京畿諸寺名山行藥師悔過法、奉幣禱祈賀茂松尾等社、放諸國鷹鷄、度三千八百人、二十日甲戌、遣使奉幣帛於八幡社、令京畿諸國寫大般若經一百部、造藥師像七軀、寫藥師經七卷、二十三日丁丑、聚六百僧於平城中宮、讀

大般若經、二十六日庚辰、車駕還平城、冬十月二十八日辛亥、河內言獲白龜、十一月二日乙卯、配僧玄昉於筑紫、檢造觀世音寺、十二月十五日戊戌、移恭仁宮兵器於平城、十八年丙戌、春正月癸丑朔、廢朝、十四日丙寅、地震、二十八日庚辰、右京女子一產三女、賜稻、二十九日辛巳、地震、壬午晦、又震、三月七日己未、以河內獻白龜、授天下六位以下、爵一級、孝子順孫、義夫節婦、及力田者二級、

十五日丁卯、敕曰、興隆三寶、國家之福田、撫育萬民、先王之茂典故、爲寶基永固、皇胤長承、天下安寧、黎元利益、講仁王般若經、聞其教以慈爲先、宜赦天下、夏四月五日丙戌、以左大臣橘諸兄兼太宰帥、中納言藤原豐成兼東海道鎮撫使、參議式部卿藤原仲麻呂東山道鎮撫使、中納言巨勢奈呂麻呂北陸山陰兩道鎮撫使、參議大伴牛養山陽道鎮撫使、參議紀麻呂南海道鎮撫使、五月九日

庚申、禁諸寺私買民田園、永爲寺地、六月五日丙戌、地震、秋七月辛亥朔、遣使畿內祈雨、九月三日壬子、遣縣女王侍伊勢齋宮、十三日壬戌、地震、戊寅晦、以恭仁大極殿施國分寺、閏月十三日辛卯、地震、冬十月六日甲寅、天皇皇后從太上天皇幸金鐘寺、慶盧遮那佛像、是月日向言、風雨損蠶、因免調庸、十二月十日丁巳、停七道鎮撫使、復差點京畿諸國兵士、是歲、渤海及鐵利人一千一百餘人

慕化來朝安置出羽給衣糧放還  
十九年丁亥春正月丁丑朔廢朝御南苑宴  
侍臣敕曰朕寢膳違和延經歲月省已推物  
豈無矜慈宜大赦天下救濟憂苦二月二十  
一日丁卯以去年亢旱年穀不稔詔賜大臣  
以下諸司才長上已上稅布鹽有差二十二  
日戊辰賑恤大養德河內攝津伊勢志摩近  
江丹波出雲播磨美作備前備中紀伊淡路  
讚岐飢饉三月十六日辛卯改大養德國復

爲大倭國夏四月十四日己未紀伊旱疫賑  
給之五月十二日丁亥地震十五日庚寅講  
仁王經於南苑使天下諸國亦講之十八日  
癸巳賑恤近江讚岐飢六月十五日己未雩  
於羅城門秋七月七日辛巳詔曰自去六月  
京師亢旱由是奉幣名山祈雨諸社至誠無  
驗苗稼焦凋此蓋朕之政教未洽於民乎宜  
免左右京今年田租冬十月癸卯朔日有食  
之十二月十四日乙卯以太上天皇疾大赦

天下、二十一年戊子、春正月壬申朔、廢朝、三月八日  
戊寅、敕朕以薄德、君臨四海、夙興夜寢、憂勞  
兆民、然猶風化未洽、犯禁者多、是訓導之不  
明、非黔首之愆咎、萬方有罪、在予一人、咸洗  
瑕穢、更令自新、宜大赦天下、夏四月二十一日  
庚申、太上天皇崩、二十二日辛酉、敕天下  
舉哀三日、二十八日丁卯、葬元正天皇、敕天  
下素服、六月五日癸卯、百官諸國釋服、秋七

月十八日丙戌、寫法華經一千部、薦元正帝  
冥福、八月五日癸卯、改定釋奠儀式器服、二  
十一日己未、車駕行幸散位葛井廣成家、冬  
十月二十八日乙丑、詔免京畿七道田租、十  
二月十八日甲寅、遣使鎮祭佐保山陵、度僧  
尼各一千、是歲河內出雲近江播磨饑、賑給  
之、天平感寶元年己丑、春正月丙寅朔、廢朝、使  
天下諸寺悔過七日、轉讀金光明經、禁天下

殺生、四月己巳、以比年亢旱、五穀不登、給文武官及諸家司米、二月二十一日丙辰、以屢有匿名書、下詔、教誡百官及大學生徒、二十一日丁巳、陸奧始貢黃金、奉幣畿內七道諸社告之、三月乙丑朔、日有食之、是春上總飢、下總旱蝗飢饉、石見疫、賑給之、夏四月甲午朔、天皇行幸東大寺、北面對盧舍那佛像、皇后皇太子侍焉、羣臣百寮士庶列次殿後、敕遣左大臣橘諸兄告佛、以陸奧出黃金、又宣

詔、布告王親百官萬民、二日乙未、大赦天下、五日戊戌、遣民部卿紀麻路等於伊勢、奉幣帛於大神宮、十四日丁未、幸東大寺、御盧舍那佛前殿、詔授左大臣從一位橘諸兄正一位、大納言藤原豐成爲右大臣、是日、改元、五月二十七日庚寅、給穀鰥寡孤獨疾疹之徒、不能自存者、人五斗、表旌孝子順孫義夫節婦、終身勿事、授力田無位者位一階、免天下今年田租、陸奧三年調庸、閏月九日壬寅、度



一千人於宮中十日癸卯詔曰朕以寡薄恭承寶祚恒恐累二儀之覆載虧兆庶之瞻依徒積憂勞政事如闕神之貽咎實由朕躬比者時屬炎蒸寢膳乖豫百寮惶恐左右勤劬今欲克順天心消除災氣乃求改往之術深謝在予之德宜流渙汗之恩施蕩滌之政可大赦天下但殺父母及毀佛尊像者不在此例二十三日丙辰天皇遷御藥師寺秋七月二日甲午讓位於皇太子天皇篤崇佛法敬

信僧行基等自稱三寶奴又稱沙彌勝滿天

平勝寶六年四月幸東大寺登壇從唐僧鑑

真受菩薩戒皇后及孝謙帝竝受戒焉天平勝寶

以下日本高僧傳○元亨釋書曰天平二十一年正月帝於平城中島宮屈行基受菩薩

戒而以從鑑真受戒係去八歲五月三日乙卯崩于寢殿年五十六

年據本書大寶元年紀

葬于佐保山陵○延喜式山葬儀用師子座

香天子座金輪幢大小寶幢香幢花縵蓋繖

等一如奉佛令笛人奏行道之曲天皇嘗巡

幸京師道經囹圄聞悲痛聲心甚愍惻遣使覆審其輕重降恩悉免死罪已下竝賜衣服令其自新天皇出家歸佛故不奉諡○水鏡曰天皇禪位落髮愚管鈔一代要記曰天皇出家今考本書孝謙紀有出家之文而無落髮之事未何據至天平寶字二年追尊曰勝寶感神聖武皇帝諡天璽國押開豐櫻彥尊後稱聖武天皇

大日本史卷之十六終

大日本史卷之十七

天平寶字五年本紀第十七

權中納言從三位源光圀 修

男權中納言從三位綱條 校


玄孫權中納言從三位治保重校

孝謙天皇

孝謙天皇諱阿倍聖武帝之女也母皇后藤

原氏以養老二年生焉生年據本書崩年五十三之文為內

親王封一千戶封以下據本天平十年正月



大日本書紀卷之六十一  
天武天皇  
元年

立為皇太子、十五年、五月五日、聖武帝宴羣臣於禁內、天皇親舞五節、元正帝作歌褒之、

天平感寶元年、七月二日、甲午、受禪即天皇

位於太極殿、時年三十五、年據本書崩年五十三之文、及皇代

記、皇年代略記、○歷代皇紀作三十一、誤、左大臣橘諸兄、右大臣

藤原豐成、並如故、左大臣以下、是日、改元天

平勝寶、

天平勝寶元年己丑、秋七月十二日甲辰、右

大臣藤原豐成罷中衛大將、以大納言藤原

仲麻呂兼中衛大將、○按豐成罷大將、諸書無所見、而公卿補任載

為大將、凡八年、由是推之、豐成以天平十四年兼大將、至是蓋八年矣、豐成罷而仲麻呂

代之也、故係于此日、仲麻呂兼大將、本書寶字八年九月之文、不記月日、今據補任、八

月十日辛未、以藤原仲麻呂兼紫微令、二十

一日壬午、大隅薩摩隼人貢調、九月六日丁

酉、以小宅女王為伊勢齋王、本書是歲閏五月書曰、伊勢齋

王為遭親喪、自齋宮退出、而無定、七日戊戌、齋王之文、六日以下、據一代要記、

制紫微中臺官位、冬十月九日庚午、行幸河

內智識寺、十四日乙亥、幸石川、所過百姓賜

大日本書紀卷之六十一  
天武天皇  
元年

綿免逋負、從官賜綿有差、十五日丙子、還大郡宮、十一月二十五日乙卯、大嘗於南藥園新宮、十二月十八日戊寅、遷宇佐八幡神於梨原新殿、使四十僧悔過七日、二十七日丁亥、天皇從太上天皇、皇太后、幸東大寺、集僧五千、禮佛讀經、奏舞樂、施東大寺封四千戶、奴婢各百人、

二年庚寅、春正月庚寅朔、御大安殿受朝、是日、車駕還大郡宮、二月九日戊辰、移御藥師

寺宮、十六日乙亥、行幸春日酒殿、二十二日

辛巳、天皇從太上天皇、皇太后、幸東大寺、益

封為五千戶、二十二年以下、據本書廢帝紀

寺所藏敕書、為元年閏五月二十日、今姑從本書、三月十日戊戌、駿

河國守、楯原東人、獲黃金獻之、夏四月四日

辛酉、敕、頃有所思、持藥師經、行道懺悔、冀施

恩惠、兼欲濟人、盡洗瑕穢、更令自新、可大赦

天下、免四畿內今年調、五月八日乙未、召一

百僧於中宮安殿、講仁王經、令京畿七道講

說二十四日辛亥震中山寺塔京師雨水六月七日癸亥備前飢賑給之秋七月十八日甲辰攝津參河女子一產三子並賜正稅乳母九月二十四日己酉以從四位下藤原清河為遣唐大使從五位下大伴古麻呂為副冬十月十八日己酉改葬元正天皇三年辛卯春正月十四日戊戌行幸東大寺夏四月四日丙辰遣參議石川年足於伊勢奉幣帛於大神宮又遣使奉幣天下諸社以

祈遣唐使平安秋八月辛亥朔日有食之冬兼月廿三日壬申以太上天皇不豫大赦天下十一月七日丙戌以從四位上吉備真備為遣唐副使○按去年九月以大伴古麻呂為副使至此又以真備為副使其故未詳十日己丑敕免天平勝寶元年已前公私負租是歲始置常樂會是歲以下一代要記○按年中行事興福寺常樂會係二月十五日而不書其原始蓋昉於此四年壬辰春正月己卯朔太宰府獻白龜三日辛巳敕禁天下今年殺生緣海百姓以漁

為業者、日給粟人二升、賑恤鰥寡孤獨、貧窮老疾、不能自存者、十一日己丑、地動、以太上天皇不豫、度僧尼一千人、二十五日癸卯、以正七位下山口人麻呂為遣新羅使、夏四月九日乙酉、行幸東大寺、慶盧舍那佛大像、百官儀衛、一同元會、召僧一萬、設齋會、奏舞樂、法會之盛、前此未有比也、是夕、還御大納言藤原仲麻呂田村第、六月十四日己丑、新羅王子金泰廉入朝奉貢、秋七月二十日甲子、

下總女子一產四子、賜穀及乳母、八月十七日庚寅、捕京師巫覡十七人處流、冬十月甲戌朔、地震、二日乙亥、又震、十二月己酉朔、日有食之、五年癸巳、春正月癸卯朔、廢朝、二月九日辛巳、以從五位下小野田守為遣新羅大使、按○本書、四年正月、以山口人麻呂為遣新羅使、至是、又以田守為新羅使、蓋以新羅王子來朝、故罷前所命、而更命之乎、又按、本書此後不書田守還、而明年書為太宰少貳、據寶字四年九月癸卯條、此時新羅失禮、故田守三不行、使命而還、然不書其還、蓋闕文也、

月二十九日庚午、設百高座於東大寺、講仁  
王經、飄風歛起、不能畢講、夏四月九日庚辰、  
再講、飄風又發、十五日丙戌、以皇太后不豫、  
詔大赦天下、五月二十五日乙丑、渤海來貢、  
秋九月五日壬寅、攝津大風、海溢壞廬舍、民  
多漂沒、賑恤之、冬十一月二日己亥、尾張獻  
白龜、十二月十一日丁丑、免攝津遭水諸郡  
今年田租、十三日己卯、以西海道秋稼多損、  
免今年田租、

六年甲午、春正月丁酉朔、上野獻白鳥、五日  
辛丑、行幸東大寺、然燈二萬、敕曰、初元啓曆、  
獻歲登春、天地行仁、動植霑惠、古昔明主、應  
此良辰、必布時和、廣施慈令、朕雖薄德、何不  
率由、可大赦天下、十六日壬子、大伴古麻呂  
還自唐、二月二十日丙戌、敕太宰府、天平七  
年故大貳小野老遺高橋牛養於南島樹牌、  
而經年朽壞、今宜依舊修之、每牌顯表島名、  
及泊船處、有水處、去就行程、令漂著之船、知

所歸向、三月十日丙午、遣使奉唐信物於山

科陵、夏四月、行幸東大寺、受菩薩戒、夏四月以下日

本高僧傳、帝王編年記、歷代皇紀、鑑真東征傳、秋七月十三日丙午、

以大皇太后病、詔大赦天下、度僧尼一百七

人、十九日壬子、大皇太后藤原氏崩、八月四

日丁卯、葬大皇太后、冬十月十四日乙亥、禁

官人百姓、會集雙陸、十八日己卯、置射田於

畿内七道、閏月二十日辛亥、令太宰府鎮祭

管内山崩、十一月辛酉朔、遣巡察使於諸道、

以從四位上池田王為畿内使、從五位下紀

小楯東海道、石川豐成東山道、藤原武良志

北陸道、從五位上大伴家持山陰道、從五位

下阿倍毛人山陽道、多治比木人南海道、從

四位上紀飯麻呂西海道、八日戊辰、敕為禱

太上天皇皇太后起居、使四十九僧供養藥

師佛、大赦天下、二十四日甲申、藥師寺僧行

信、八幡主神大神多麻呂等厭魅事覺、詔流

行信於下野藥師寺、二十七日丁亥、流大神



社女於日向多麻呂於多槲島是歲畿内諸國風水賑恤之  
 七歲乙未春正月辛酉朔以諒闇廢朝四日甲子救改年為歲三月二十八日丁亥以八幡大神託宣收封戶位田唯留常神田夏六月十五日癸卯安藝獻白鳥冬十月二十一日丙午太上天皇不豫救大赦天下存恤鰥寡惻獨貧窮老疾者始自今日至十二月晦禁殺生遣使山科大内等山陵奉幣祈請十

一月二日丁巳遣使伊勢奉幣帛於大神宮八歲丙申春二月二日丙戌左大臣橘諸兄致仕二十四日戊申行幸難波二十五日己酉車駕過智識山下等七寺禮佛二十六日庚戌遣内舍人於六寺誦經二十八日壬子行至難波新宮三月甲寅朔太上天皇幸堀江二日乙卯詔免河内攝津田租五日戊午遣使攝津諸寺誦經夏四月十四日丁酉救曰頃者太上天皇聖體不豫漸延旬日猶未

平復如聞銷災致福莫如仁風救病延年實資德政可大赦天下鰥寡孤獨貧窮老疾者量加賑恤十七日庚子車駕還宮二十二日乙巳遣使伊勢奉幣帛於大神宮壬子晦遣醫師禪師官人各一人於左右京四畿內救療疹疾者遣使奉幣帛於八幡大神宮五月三日乙卯遣使伊勢奉幣帛於大神宮免天下今年田租是日太上天皇崩遺詔以中務卿道祖王爲皇太子七日己未文武百官素

服舉哀二十日壬申葬聖武天皇二十四日丙子以僧法榮侍聖武帝醫藥有勞復其所生本郡二十五日丁丑禪師侍先帝病者一百二十六人免當戶課役六月八日庚寅詔天下始自今日至來年五月三十日禁斷殺生十日壬辰詔曰頃者分遣使工檢催諸國佛像兼造殿塔宜會來年忌日然佛法以慈爲先不應因此辛苦百姓國司使工有稱朕意特加褒賞二十二日甲辰始築怡土城敕

六道諸國造東大寺大佛殿步廊秋八月四日乙酉施近江國朝書法一百卷於崇福寺冬十月辛巳朔日有食之十六日丙申白氣貫日十一月十七日丁卯以諒闇廢新嘗本

書註曰檢神祇官記是年十二月庚辰朔自於神祇官曹司行新嘗

去月雷六日五日甲申行今推干支削之

聚一百僧於東大寺轉讀仁王經十六日乙

未先是敕收京師孤兒給衣糧養之至是有

九男一女賜姓編戶己酉晦敕分遣皇太子

及右大臣藤原豐成大納言藤原仲麻呂等

十二人於東大寺大安寺外島坊藥師寺元

興寺山階寺講梵網經以薦聖武帝冥福

天平寶字元年丁酉春正月庚戌朔以諒闇

廢朝敕度八百人六日乙卯前左大臣橘諸

兄薨三月二十日戊辰寢殿承塵有文自生

曰天下太平○一代要記係天平勝實二年歷代皇紀亦為勝實中事誤

二十二日庚午敕召親王及羣臣視瑞字丁

丑晦廢皇太子夏四月四日辛巳立大炊王

為皇太子、詔曰、國以君為主、以儲為固、是以先帝遺詔、立道祖王為皇太子、而諒闇未終、陵土未乾、暱狎頑童、居喪無禮、機密之事、皆漏民間、雖屢教敕、無有悛心、好用婦言、稍多狼戾、潛出東宮、乘夜微行、自云為人拙愚、不堪承重、故朕廢之、立太炊王、躬自乞三寶、禱神明、政之善惡、願示徵驗、於是朕所居承塵、現天下太平之字、斯乃上天所佑、神明所標、覽古檢往、所未見聞、方知佛法僧寶、先記國

家太平、天地諸神、豫示宗社永固、戴此休符、誠喜誠懼、蓋亦由王公等盡忠匡弼、感此奇瑞、豈朕一人所應能致、宜與王公士庶、共奉天貺、洗滌舊瑕、與眾更始、可大赦天下、其天下百姓、成童入輕徭、弱冠當正役、愍其勞苦、用軫于懷、自今以後、以十八為中男、二十二以上為正丁、古者治國安民、必以孝理、百行之本、莫先於茲、宜令天下家藏孝經一本、精勤誦習、百姓有孝行著聞者、所由長官錄名

薦之、其有不孝不恭、不友不順者、配陸奧桃  
 生、出羽小勝、以清風俗、又有高卧、潁川、遁跡  
 箕山者、宜為朕代之、巢許、以禮巡問、放令養  
 性、天下鰥寡孤獨、篤癯廢疾者、量加賑恤、高  
 麗百濟新羅人、慕化來附、志願賜姓者、聽之、  
 於是百官上表、以賀瑞字、五月五日辛亥、以  
 改修大宮、遷御田村宮、九日乙卯、復置能登  
 安房和泉等國、二十一日丁卯、始置紫微內  
 相、以大納言藤原仲麻呂為之、敕有司施行

藤原不比等所刊修律令、秋七月四日庚戌、  
 左大辨橘奈良麻呂謀廢立、事覺下獄、捕其  
 黨黃文王、道祖王、安宿王、大伴古麻呂、多治  
 比犢養、小野東人、賀茂角足、佐伯大成、大伴  
 古慈斐等、鞠問處罪、八日甲寅、敕曰、比者頑  
 奴潛圖反逆、皇天不遠、羅令伏誅、民間或有  
 假託亡魂、浮言紛紜、擾亂鄉邑者、不論輕重、  
 皆與同罪、普告遐邇、宜絕妖源、又敕曰、逆人  
 黨與、京畿限十日、遠處三十日、自首者赦之、

被人告者、必科本罪、十二日戊午、貶右大臣  
藤原豐成、爲太宰負外帥、徙爲黃文王等所  
誑、誤百姓於出羽柵戶、二十四日庚午、設齋  
宮中、講仁王經、八月十三日己丑、駿河益頭  
郡人獻蠶成字、十八日甲午、敕曰、朕以寡薄、  
忝繼洪基、君臨八方、于茲九載、曾無善政、日  
夜憂思、危若臨淵、慎如履冰、去三月二十日、  
皇天賜我、以天下太平四字、表區宇之安寧、  
示歷數之永固、然賊臣廢太子道祖、及安宿、

黃文、橘柰良麻呂等、稟性兇頑、昏迷悖虐、不  
顧君臣之道、不畏幽顯之資、潛結逆徒、謀傾  
宗社、悉受天責、咸伏其罪、二叔流言、遂輟蕭  
牆、四凶羣類、遠放邊裔、京師清肅、朝堂晏靜、  
竊恐德非虞舜、運屬時艱、武慙殷湯、任當撥  
亂、晝思夜想、廢寢與食、爰得駿河國益頭郡  
人金刺舍人麻自獻蠶成字、其文曰、五月八  
日、開下帝釋標、知天王命百年、息國內、卽下  
羣臣議、僉曰、五月八日、是爲太上天皇周忌、

設齋悔過之終日也。帝釋感誠，下鑑勝業，以授百年之遠期。仁化滂流，寓內安息。慈風遠洽，國家全平之驗也。夫蠶之爲物，虎文而有時，蛻馬吻而不相爭，生長室中，衣被天下，故使神蟲成字，用表神異。自天祐之，吉无不利，豈朕力之所致，是賢佐之成功，宜與王公共承斯貺。思俾惠澤被於天下，其改天平勝寶九歲爲天平寶字元年，免天下田租之半。本郡百姓，給復一年。二十三日己亥，敕大學寮

雅樂寮、陰陽寮、典藥寮、內藥司，置公廨田，供給生徒。二十五日辛丑，敕曰：治國大綱，在文與武，廢一不可。言著前經，向來下敕，爲勸文才，隨職閑要，量置公田。但至武備，未有處分。故今六衛置射騎田，每年季冬，宜試優劣，以給超羣者。令興武藝。冬十月六日庚戌，敕曰：如聞諸國庸調脚夫，事畢歸鄉，路遠糧絕，又行旅病人，辛苦橫斃。朕念乎此，深增閔矜，宜命官司量給糧食醫藥。若有怠緩不行者，科

大日本史 卷十七 本紀 十四  
違敕罪、十二月八日辛亥、施越前墾田六百  
町於山階寺、施藥院、救養疾病貧乏之徒、九  
日壬子、太政官議定、乙巳壬申功臣、大寶養  
老修撰律令、及告密上變者功田、式大寶  
二年戊戌、春正月五日戊寅、詔曰、朕以庸虛、  
忝承大位、母臨區宇、子育黎元、思與賢良、共  
清風化、長固寶曆、以安兆民、豈意狼戾近臣、  
潛懷不軌、同惡相濟、終爲亂階、賴宗社威靈、  
遽從殲殄、而逆人親黨、懷憂不安、雖犯深愆、

尚加微貶、使其坦然無懼、息其反側之心、如  
聞百僚在位、仍有憂惶、宜悉朕懷、不勞疑慮、  
昔者張敞負釁、更致朱軒、安國免徒、重紆青  
組、咸能洗心勵節、輸欵盡忠、事美一時、譽流  
千載、今之志士、豈謝前賢、改滌過咎、勉己自  
新、方冀瑕不掩瑜、要待良工、用靡棄材、以成  
大廈、凡百列位、宜鑑斯言、夙夜無怠、務脩爾  
職、又詔曰、法天施化、聖主遺章、順時宣風、先  
王嘉令、故能二儀無愆、四時和協、休氣布於



率土仁壽致於羣生、今者三陽旣建、萬物初萌、和景惟新、人宜胥慶、是以分使八道、巡問民苦、務恤貧病、矜救飢寒、所冀家無寒窶之憂、國有來蘇之樂、宜差清平之使、勉加賑恤、稱朕心焉、於是、以從五位下石川豐成爲京畿內使、正六位下藤原淨辨東海東山道使、正六位上紀廣純北陸道使、大伴潔足山陰道使、藤原藏下麻呂山陽道使、從六位下阿倍廣人南海道使、正六位上藤原楓麻呂西

海道使、二月二十日壬戌詔曰、隨時立制、有國通規、議代行權、昔王彛訓、頃者民間宴集、動有違僣、或同惡相聚、濫誹聖化、或醉亂無節、使致鬪爭、自今以後、王公已下、供祭療病之外、不得飲酒、其朋友親戚、欲相訪者、先告官司、然後集會、如有犯者、五位已上停一年祿、六位已下解見任、已外決杖八十、冀淳風俗、能成人善、講禮於平日、防亂於未然、二十七日己巳、大和神山生奇藤、蠹成字、三月十

日辛巳詔曰朕聞孝子思親終身罔極言編竹帛千古不刊天平勝寶八歲五月先帝登遐朕自遇凶憫雖懷感傷禮制有限俯從告事但每臨端五風樹驚心設席行觴所不忍為自今以後永停此節秋七月四日甲戌以皇太后不豫禁天下今年殺生八月庚子朔讓位於皇太子羣臣上尊號曰上臺寶字稱德孝謙皇帝

大日本史卷之十七終

